Man Dong Kit Ma Inywalle Tyen Me Aryo

Chris Oyakhilome, D.Sc., D.D

Man Dong Kit Ma Inywalle Tyen Me Aryo

Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated. 2nd Edition. 2013

Fifth Printing, 2019

ISBN 978-978-51521-0-4 Copyright © 2006 LoveWorld Publishing

Published by: LoveWorld Publishing

3, Adebayo Akande Street, Oregun, Ikeja, Lagos, Nigeria.

Email: info@loveworldbooks.org Website: www.loveworldbooks.org

> email: info@loveworldbooks.org website: www.loveworldbooks.org

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

LACIM

l.	In Kikome	7
2.	ITYE CWEC MANYEN	11
3.	Itye Ki Kit Kacel Ki Kodi Kwo Pa Lubanga!	13
4.	ITYE LAKITE ATIR PA LUBANGA!	17
5.	I PE KI BAL MO IWIYI!	19
6.	I Lonye Woko!	21
7.	I Gonye Woko!	23
8.	CWINY PA LUBANGA KWO IYI IN !	25
9.	GIN ANGO MA MYERO ITIM KACE TAM MARECO OBINO I TAMI?	27
10.	Gin Ango Ma Myero Itim Kace Luremmi Macon Gutemmo Turu Cwinyi?	35
П.	Gin Ango Ma Myero Itim Kace Ayela-yela Ki	
	ATWOM OBINO?	41
12.	CWINY MALENG KI IN	47
13.	Tika Myero Iciti I Kanica (Ot Legga)	57

Bot utmego me amara,

Pwoc madit pi mic meno me larre ma inongo i kare ma iye Yecu Kricito macalo Rwoti ki Lalar-ni.

Amito nywakko kwedi lok ada ma pire tek atika ikwo me niyee pa Lakricitayo, ma in itwero geddo kwede kwo matek ma opong ki deyo. Kwan ginacoya man korre ki korre ki cwinyi ducu ci ibikayo adwogi ma pe tum.

Alego Lubanga ni omini cwiny me ryeko ki niyabo me ngeyo En wek wang meri me niang oyabbe wek in iniang kit madit me gen ma En olwong in iye ki ngec ducu me omini ma nono i Kricito. Amen.

Pwony man ma tye i ginacoya man, bikonyi wek icak kwo man manyen i Kricito Yecu. Ka iketo cwinyi ka kwano ginacoya man, ki ka ineno i Baibul kun ikwano coc ducu ma i Baibul ci ageno atir ni kwena ma tye i ginacoya man, bikelo alokaloka ikwo ma meri kun konyi me tiro anyim ma meri malubbe ki Lok pa Lubanga.

Lubanga omeddi gum ma opong i Nying Yecu, Amen.

Lakwat Chris Oyakhilome

IN KIKOME

In kikomi ikatto kom ma inenno woko ni. In kikomi ikatto canduk ma obedo ot kit pa dano (kit pa dano me nenno, winyo, bongo, billo nyo ngweyo). I in tye gimo, mada, ma kato komi. Man aye cwinyi, en aye dano ma i in-ni.

Dano ma en kikome ni aye Baibul cimmo i 1 Petero 3:4: "Ento ruk-wu myero obed (dano mukanne-ni icwiny) kit me cwiny ma pe nen. Ruk ma pe balle en cwiny mamwol, ma ling mot; meno aye welle dit i nyim Lubanga..." Ka kom dano otoo, cwinye medde ki kwo. Dok bene pud tye calo ngat ma nong tye con mapud peya otoo; pe orwenyo gimo keken nikwanyo twero me tic ki kom ilobo man. Kome twero bedo ni otoo woko, ento en ma kome ni, (dano) cwinye, pud tye ki niang dok twerro me tic ki kit pa dano ki tamme ma niang gin ango ma tye ka timme, ki ngecce bene tye ki ngec pi jami ma tye ka timme macalo pud tye kwede ma calo pud peya otoo.

Yecu Kricito obokko ododo i Luka Cura 16 ikom coo aryo ma nong gutoo. Acel nongo lacan ma kwo ki lego dano, nyinge nong Lajaro. Gin ma pire tek twatwal pe obedo ni nongo en tye laleg dano, ento kadi bene nongo tye lacan, nongo tye ki cwiny atir. Ma en obitoo, gicwalle i kabedo pa Abraim. Lacoo me aryo ni bene otoo. En onongo lalonyo ilobo ma en bedo iye, ento nongo pe okwo kwo me atir.

Poyo ni, ma en otoo, kome giyikko iwilobo, ento Yecu owaci i kapiny, lacoo man oyillo wange ci onenno Lajaro i kabedo pa Abraim ci oniang ikom Lajaro. Man tyen lokke ni nong pud twerro nenno. Ci olwongo Abraim ci owacce ni, "Tim ber ikonya!" Inenno, nong pud twerro lok. Abraim ogamme ci bene owinyo dwan Abraim, ma nyutti nong pud twerro winyo.

Lalonyo man bene owaci nong tye ki orwoo, bene nong pe ki orwoo keken, ento ki arem madwong ma pe titte. Pi man obakko dogge ni, "Wek Lajaro obin ci omiina ton pii me kweyo orwoona." Man lok angeya mukene, neni onongo en pud winyo.

Kit pa dano-ne (nenno, ngweyo, winyo, bilo, mulo) ducu nong pud tye liking. Bene nong en pud poo jami pien owaci, "Timber, cwal ngat mo ikin lutoo, ocit otit jiri bot omegina." Nong tye ki omego abic i lobo, oweko otammo ni, "Gwok ka ngat mo ikin lutoo ocitti botgi, ci giyee lokke." Wiye opoo ikom omegine!

Man miini wa ngec ni cwiny dano medde i kwo (pe too). Ci kace dano onywalle tyen me aryo (ojolo Yecu Kricito ikwone nyo olarre), cwinye enni nywalle tyen me aryo (larre nyo ojolo Yecu Kricito)!

2 Jo Korint 5:17-18 (NKJV) wacci ni,

"Pi meno dong, kace ngat mo keken tye i Kricito, tye cwec (giketto) manyen; gin macon dong otyeko katto woko [orweny woko]; nen, gin ducu gudokko manyen. Kombeddi jami ducu tye pa Lubanga, ma odwokowa cen bote [niwok] i Yecu Kricito, ci omiiniwa tic me dwokko dano cen bote".

ITYE CWEC MANYEN

Kombeddi kit ma dong imiyo kwoni bot Yecu Kricito ci ilokko En odokko Rwot me kwoni, dong ipe ngat ma yam con ni ma nong itye-ni. Iromo pud nen ngat acel ni ki woko, ento ki i iyi, itye ngat manyen kikome. Man gin ma Baibul owacco. In pe "calo cwec manyen" ento cwec manyen - kodi rok pa ngat ma yam con nong pe, nyo ma nong pud peya obinno ikwo (2 Jo Korint 5:17).

I pe ngat ma girocco, onyo gin arocca

onyo gin atira; itye cwec manyen- ngat manyen kikome kwicikwici. Ento kadi bene ni itye cwec manyen i iyi (icwinyi), man pe tyen lokke ni ki woko, ibi nen ngat mapat. Kace yer wii nong cek mapud peya ilarre (jolo Yecu Kricito ikwoni), yer wii pud nong gak macek, in pud ibibedo ki ticci acellu kadi wa jo macok kwede pud gibedo kit meno.

Gin madit twatwal en aye kiti macalo dano rwomme medde bedo lamal; pien itye dano manyen ki i iyi.

ITYE KI KIT KACEL KI KODI KWO PA LUBANGA!

Macalo dano munywale tyen me aryo, Lubanga omiini twerro ma dokko Latinne (Jon 1:12). Igammo kit pa Lubanga icwinyi., dong gityeko keto-ne icwiny pa dano-ni. Kombeddi dong itye ki kwo manyen; kodi kwo pa Lubanga ma Yecu Kricito miyo bot dano ducu ma yee En. Man kica kikome! Pi meno dong, idokko ngat ma nywakko i kit pa Lubanga (2 Petero 1:3-4).

Lubanga kombeddi dong tye Woru!

Ningning? Kit pa gin makwo kobbe i nywal (gin makwo nywalo kit kodi-ne); man aye owekko gwok binywalo gwok keken ikare ducu. Ci Jon 1:12-13 wacci ni,

"Ento dano ducu ma ceng gujole, botgi omiinigi twerro me dokko litino pa Lubanga; kadi bene botgi ma yee inyinge: ma ginywallogi, pe ki remo, kadi pi mit me kom, kadi pi mit pa dano, ento pa Lubanga."

Lubanga tye ki kit pa lanyodo bot in. Itye lamemba me ode, dok pi man anywalli me Polo kama En bedo iye.

Tic pa Lubanga ma gwokki (pitti). Ka miini jami weng ma mitte me kwo malubbe ki lonyone ma pe tum i deyo i Yecu Kricito (Jo Pilipi 4:19). Tye ki pulan maber pi kwoni, ma obinno itic cutcut icawa ma ilarre kwede. Itye latin mar pa Lubanga ma lamar, bene ginywalli ii ot me mar. Man gin ma pire tek. Dok En omiini kwo manyen wek ibed lamemba me Ker mere.

Baibul tucco Kamaleng ni Lubanga omiini kwo ma pe tum. Man aye kwo ma tye i Lubanga, ma wekko twerre piri me bedo ngat ma En tye . Man aye kodi kwo pa Lubanga. Pi kwo man, owekko obedo tek pi lyel me gwokko kom Yecu Kricito iye. Man kwo me nicer! Dok man aye kwo ma tye icwinyi kombeddi.

"Caden meno en enne ni, Lubanga dong omiyowa kwo ma pe tum, dok kwo meno tye i Wode. Ngat ma tye ki Wod tye ki kwo, ngat ma pe ki Wod pa Lubanga, pe tye ki kwo. Acoyo lok man botwu, wun jo muyee nying Wod pa Lubanga, wek wungee ni wutye dong ki kwo ma pe tum, ci bene wek oyee ikom nying pa Wod pa Lubanga." (I Jon 5:11-13)

Ngat acel ma en aye tye ki WOD ma tye ki kwo, pien kwo man tye i Wod pa Lubanga. Ka ijolo En Wod nongo ijolo kwo. Kwo man wekko peko mo keken pe twerro bwoyi. Keto in irwom ma lamal cawa ducu. Kong itam atamma man! Pe twerre me nekko nyo bwoyo Lubanga. Kombeddi dong itye ki kodi kwone: pe itwerro nekke nyo bwoone, pien Cwiny acel-ni ma ocerro malo Yecu Kricito ki ikin dano mutoo bedo iyi! (Jo Roma 8:11).

ITYE LAKITE ATIR PA LUBANGA!

2 Jo Korint 5:21 wacci ni, "Pien olokko En odokko bal piwa, En ma onongo pe ngeyo bal; wek wadokko lukitgi atir pa Lubanga i En."

Kong ket itami ni Lubanga timo gin ma watwero lwongo ni "kobbo kit." Olokko Yecu odoko bal (odoko gin tyer nyo gin tum me bal) pi wan, wek wan wadok jo ma kitgi atir i Lubanga.

Man en muweko Yecu otoo labal piwa (ikabedo-wa). Adwogi ne en aye ni wan dong watwero cung atir i nyim Lubanga labongo

bedo ki lworo me bal onyo lworo ni in labalo (Jo Ibru10:19, Jo Roma 5:1)

I PE KI BAL MO IWIYI!

Tee lokke ni ngo me bedo dano ma gikwano ni kite tye atir? Tyen lokke ni in gikwani ni dano ma kite atir- gityero ka maleng ni bal pe iwii. Kit bot Lubanga, i pe ki piddo me bal mo keken. Baibul wacci, "Pi meno gikwani ni kiti atir pi niyee, watye dong ki kuc i nyim Lubanga pi Rwotwa, Yecu Kricito" (Jo Roma 5:1). In dong gikwani ni kiti atir.

Yecu otingo balwa i kome i kare ma otoo i kom yatariya kadi bed onongo pe ki bal mo keken (1 Petero 2:22). Lubanga dong pe tye ka mako bal mo keken iwiwa (ikoma). Baibul owacco ni

"Ni meno, i Kricito, Lubanga onongo yam tye ka dwoko dano ma i lobo bote, kun pe okwano balgi i komgi, dok bene omiyowa lok me kwena i kom kit ma en dong odwokogi kwede bote."

(2 Jo Korint 5:19).

I LONYE WOKO!

Kong wa goo ni in ipotto i bur; ci komi ocidde mada, ka dong ngat mo obinno ci olarri (opeyi) woko- man rom ki "okwanyi woko ki i bur". Gin malubbe ma myero itim en aye myero ilwokke. "Kwany woko cilo meno ki i komi," bene man cwalo cawa ki kero.

1 Jo Korinth 6:11 wacci,

"....Jo mogo i kinwu bene yam gubedo macalo jo meno. Ento wun dong gityeko lonyowu me bedo jo maleng, gityeko kwanowu ni wun jo ma kitwu atir pi nying Rwot Yecu Kricito ki pi Cwiny pa Lubangawa."

Lonye woko (pokke woko ki kit me lobo, pi tic pa Lubanga) tye i dul aryo, mukwong Lubanga kwanyi woko ki i bur, man tyen lokke ni, ilarre nyo inywalle tyen me aryo (ijolo Yecu Kricito i kwoni) ci icawa meno cut, Baibul tucco ni ilonye woko; i pokke woko ki kit me lobo bot Lubanga (pi ticce). Ka dong ingeye, myero i kwany woko cilo ki ikomi ma a ki ilillo (rocco) tami ki Lok pa Lubanga. (Jo Roma 12:2)

Rocco tami obedo gina imedde ki timmo kare ducu (pe gik). Tami opwonye me tamo i yoo acel; ma nenno gin mapud peya iyee gin meno. Kombeddi ki rocco tami oweko iye me nenno jami iyoo pa Lubanga. Ipwonyo odocco tami ma nenno jami pa Lubanga. Ka dong ibitucco Lok pa Lubanga iyoo pa Lubanga ci ibikayo adwogi ma En nongo ki i Lokke.

I GONYE WOKO!

."Wumi pwoc bot Lubanga Won ma omiyowa twer me nywako kacel ki jone maleng jami ducu ma en bimiyo botgi i lengpiny. En ceng olarowa ki i loc me piny macol ci okobowa woko i ker pa Wode ma en maro" (Jo Kolocai 1:12-13) Nicakke nino ma imiyo kwoni bot Rwot Yecu Kricito, idokko lamemba me ker pa Lubanga. Pe tye cen catan mo keken ma gicwallo woko ki ikapiny ma twerro wano ni. Itye agonya ki icikke (winye) mo keken ma idonyo iye kadi ki

ngec onyo labongo ngeci. Itye agonya ki ibuc me kit bal, two nyo goro kom mo keken ma nong bitweyi ibuc. Pingo ni? Pien wagonye woko ki iloc (teko, buc, twec nyo opii) me colpiny (pa catan)!

Baibul wacci, Lubanga ogonyi woko ki i tee loc ki ker me colpiny ci okobi iker ne. Pe myero dok komi omyel ki lworo. Lubanga lakwatti bene wange me kur (gwokki) bibedo i komi kare ducu. (Jabuli 23:1).

Baibul wacci, "Pi meno, ka Wod ogonyowu, ci dong wutye agonya atika" (Jon 8:36). Lubanga okobbi i ker-ne, man enne kama itye iye kombeddi. Man gangi (otti). Dong i gonye woko ki itwec (teko, loc, twerro) me colpiny. Nen, tyen lok man obedo gin ma otyeko timme dong, pe gin mapud ka timme atimma; dong i gonye woko ki iteko me colpiny!

CWINY PA LUBANGA KWO IYI IN!

Dul madit mukene me kwo manyen man enne ni Cwiny pa Lubanga binno kabedo (ka kwo) i iye. Kace Cwiny pa Lubanga obinno ka nyongo i in, En miyo boti ngec me Lok pa Lubanga dok miyo boti niang manyen me Lok.

Kombeddi dong ka ikwanno Baibul, ibedo ki niang manyen i cwinyi; ngec man doko gin ma itwero keto itic ikwo ma meri.

Gin mukene ma Cwiny Maleng timo en aye me poyo wii i Lok pa Lubanga (Jon 14:26). Me medo iwii man, en bene mini teko me bedo dano ma tiyo tic atir kun nongo bedo caden i kwena maber pa Yecu Kricito.

> "Ento wun wubilimo tek ka Cwiny Maleng bibino i komwu, ci wubibedo lucadenna i Jerucalem ki i Judaya ducu ki i Camaria, wa i agikki lobo ducu." (Tic Pa Lukwena 1:8).

GIN ANGO MA MYERO ITIM KACE...

TAM MARECO OBINO I TAMI?

Nywalle tyen me aryo, pe tyen lokke ni atema tema bibedo pe, ento omyero ibed ki cwiny matek pe me yer atema tema mo keken. Baibul pwonyo wan ni ka gitemowa i cawa mo keken, Lubanga kare ducu nongo oyabo dogola me loyo atema man (1 Jo Korint 10:13). Ka tam mareco obino i tami, myero:-

(1) POO NI ITYE CWEC MANYEN Tam magi binno boti macalo teko ma a ki woko, atemma temma magi aa ki bot catan. Tam magi pe in aye iyubbo ki adami , twatwal kit madong ilarre ni. Baibul wacci ni wan (jo ma gularre, nywalle tyen me aryo) ni watye ki tam pa Kricito (1 Jo Korint 2:16). Myero ipoo ni mono anga ma in ibedo kombeddi, in cwec manyen! Lubanga kare ducu mitti wa ngee kun wapoo ni ,watye jo ma onywalle tyen aryo ki bene ni omiiniwa kwo manyen. Kwo manyen man en aye myero niyee wa obed iye.

(2) WOT I WINY

Winy Lubanga! Kong wa ketti tam me kit mareco obinno boti. Adiya diya madit tye ikomi me timmo gin marac meno; bene imarro citto anyim ki timmo gin marac meno. Ento icawa meno, i poo cut ni ilarre; itye dano manyen, igammo tek cwiny ki tek wic me bwotto timo gin meno woko cut. Winy Lubanga! Inenno, larre pe tyen lokke ni tam mareco pe binno boti ento lok matye ni myero pe iyee tam man oloyi.

Kwer gin woko! Ngat mo owacco carolok atir ni, "pe itwerro cokko winyo me tuk ika wiyi, ento itwerro gengo gin me gerro odi gi kuno!"

Pe imarro bedo ki twerro ma gengo tam mareco me binno boti pien gin tye ki teko ma a ki woko (labongo twerro nyo mitti), ento itwerro gengo gin ka yweyo, gik ki gak i adami (itami). Pe iye tam mareco me nongo kabedo i kwo-ni, pe iwek guloo in onyo gutel in. Itwero juko tam man woko, ki tamo i kom jami mabeco onyo ma atir me ka tam man mareco-ni.(Jo Pilipi 4:8).

Ka nong itye lagoga, ci i goga man nong ibiterro kabedo pa dako, kadi bene in lacoo, nong ibirukko bongo ki yer wic pa mon: ci itimme bene ilokko calo dako. Ento wiyi pe wil ni in lacoo ingee tukku goga man. I lor piny ki iwi lobelle meno ci icitto kama gilokko iye bongi, ci irukko bongo ma meri kikome ci ikatti woko wa igudo. Ka idok i odiko igang tic i ceng Baraja, wiyi pe wil ni in lacoo mada. Kun idok

cen calo lacoo wa ilokki bene, ikwoni bene. Pe kit maber in me dok cen ka tic kun iloko, ikwo calo dako, kit ma onongo itve ka tuku goga iwii abam (lobelle) idyerwor meno. Gin acel man bene makke kwedi kombeddi. Itimme iyoo marac mapud peya ilarre, ento man dong itye ki kwo manyen: kwo manyen man, enne aye kwo ma mvero ikwo kombeddi dong. Ibedo ka tukko dul pa dako pi kare malac kino kene wiyi willo ci itimme calo dako, ci wiyi poo ni i pe dako, ento ni itye lacoo ci itirre woko (juko timme calo dako). Wiyi yabbe woko cut ci iwaci, "Ai ape dako, ape iwii lobelle ka tukko goga; myero awek bwolle kekena!"

Man aye yoo me jukko kit marac. Wac ni, "Nen, an dong alarre. Man kitta kikome!" Kadi kit mene: kace ipoo (bene ibipoo), Cung ka kenyo ci wac ni, "An alarre! Cung kakenyo!"

Wek wirre awirra kun pe iwek lewic omakki ka wacco it ngat ma otye iye kacelo kwede ni, "Ai timma kica pe atwerro timmo gin man dong pien alarre." Wek kit mareco lewange ki kit mabeco. Tim man akakaa. Ngii i lok matye i ginacoya wek ipwonye iye kun aa ki tic.

(3) BED LATIM; KET LOK I TIC!

Lubanga pe mitti wabed luwiny keken ento luket lokke itic ginacoya.

"Ento wubed jo ma keto gin ma giloko i tic, pe wubed jo ma winyo awinya keken kun wubwolle kenwu. Pien ka ce dano mo obedo lawiny lok keken ma pe tiyo, ci bedo calo ngat ma ngiyo wange ma ginywale kwede i kiyo. Ento ka dong otyeko ngine kekene, cito woko, wiye wil woko oyotoyot i calle ma en obedo ka nenone twatwal-li" (Yakobo 1:22-24).

I dokko laket Lok itic kace i poo Lok ci i timmo gin ma oporre kwede. Bene wiyi ka poo kare ducu. Man gin acel ma Cwiny Maleng timmo i iwa. Yecu owacco ni, "Ento Lacungudwar (lakwe-cwiny), ma en Cwiny Maleng, ma Won bicwalo i nyinga, en bipwonyowu jami ducu, en bipoyo wiwu i lok ducu ma yam atittiwu." (Jon 14:26).

Pwo Lubanga, Cwiny Maleng tye atir kakany; konyowa ka poo Lok (pa Lubanga)! Kombeddi, ka ce i poo Lok, ci myero iket itic. Pe iyelle me poo; Cwiny Maleng ka kelo Lokke i nipoo ma meri. Ento myero iyubbe me worre (tikko, lubbo ki timmo) kace okello lok ada magi i tami.

(4) POO NI BAL PE KI TWERO IKOM IN

Myero ipoo gin acel: tam mareco gipe ki twerro me loyi nyo bwoyi nikwanyo ka iyee-gi.

"Pien bal pe doki bibwoyo wan" (Jo Roma 6:14). Bal pe tye rwot me kwoni. Pe ka loyo kwo-ni pien i pe itee cik ento itee kica pa Lubanga. Man aye gin ma Baibul owacco i komi.

Lubanga ogonyi woko ki iteko me bal ki colpiny (twerro pa catan), ci okobbi i ker mere:

"Wumi pwoc bot Lubanga Won ma omiyowa twer me nywako kacel ki jone maleng jami ducu ma en bimiyo botgi i lengpiny. En ceng olarowa ki i loc me piny macol ci okobowa woko i ker pa Wode ma en maro" (Jo Kolocai 1:12-13)

Man kama watye iye (iker-ne) kit ma dong ilarre, bene man aye pingo-ne ma owekko teko me colpiny (pa catan) pe twerro loyi nyo bwoyi. Gitye i kabedo me bal ento in i kabedo me kwo pa Lubanga, ma lanyo bal. Inenno dong, gin pe twerro bedo ki loc ikomi.

Jo Kolocai 1:14 wacci, "Koko dano, ma en aye weko bal, a ki bote niwok ki i remo-ne." I Yecu Kricito, watye ki kok. Man ginaleya wa pi kombeddi-ni (Jo Epeco 2:5-6).Wa pe ka temmo

nongo-ne; ento dong watye kwede kombeddi! Myero igak ki tam man me Lok pa Lubanga ingeci ci ibed ki yomcwiny.

GIN ANGO MA ITIMMO KACE...

LUREMMI MACON GUTEMMO TURU WOKO CWINYI?

Kit ma dong ilarre, itye i paco manyen. Dong ipe bot paco macon. Man pe tyen lokke ni i iwek luremi ki jo ma nong imee kwedgi maconi onyo ni ikwergi. Myero ibed ceng botgi. Pud gitye icolpiny pien-ni gipe ki Yecu Kricito icwinygi. Wiyi myero opoo ni idokko ceng pa Lubanga botgi. Nywak jiri kwedgi wek gin bene gilub Yecu Kricito.

Gin ango ma myero itim ka ce jo magi tye ka temme me turu nyo balo cwinyi? Baibul wacci ikare me agiki piny, lungala gi ka tuc ka timmo arangi ducu ma gitwerro tammo ni, ci ginyerro ki cac ikom lok ada (2 Petero 3:3-4).

Lungalla aye jo ma gitemmo turu woko (balo cwinyi) ci dwokki cen ikwoni maconi. Ento myero pe iyenge pigi (pe tik tamgi). Kwer yee tamgi (kitgi) macung iyoo-ni me notte ki Kricito. Kwer "niribbe ma pe rom" kwedgi itam ki itim. Pe iyee tamgi. Me ka man, cung matek ki tami pi Lubanga ki Lokke.

NIRIBBE MA PE ROM (KUBE ITUNGI MA PE ROM)

Ikare macon me acakki, pur ki kero ma rwom-ne tye lamal (pur kidima, dyang), calo lapur nong ribbo twoni aryo, macalo lanen, kana aryo onyo twoni dyangi aryo, ci tweyo gin ikom kweri pur, lei aryo magi nyo twoni aryo man purro kacelo. Pien nong gitweyogi kacelo, lei aryo magi nong giwotto yoo acel. Kama lee

acel ocitto iye, lawote bene lubbo. Lapur nong tellogi bene iyo acel meno bene- kun gitweyo gin ikom kweri pur acel.

Man dong kace twoni aryo magi weng nong gin kana, nong lwonge ni "niribbe marom (ribbe gin rom)". Ento ka ce acel kana ki dyang, tyen lokke ni "pe girom nyo niribbe ma pe rom"- (pien ni twoni magi nong gi lee mapatpat). Kadi gibiribbowa kacel kwede ngat mo, myero obed "niribbe marom", man aye ka Lakricitayo ki Lakricitayo gimee kacelo. Ento kace Lakricitayo ki lakampiri gimee kacel, gitye i niribbe ma pe rom. Bene Lubanga tye ka wacci ni, "pe wabedo iniribbe ma pe rom ki dano ma lakampiri- jo ma pe yee Yecu" (2 Jo Korint 6:14-16).

Inennu, ka ce in ki lakampiri wumee kacelo, ma nong wukwo kit kwo acel, ci wutye i niribbe ma pe rom, bene man pe tye atir. Lubanga pe mitti ibed niribbe man, me ka man, mitti ibedo i niribbe marom kwede lukricitayo luweddi, ma nong itimmo jami acel kwedgi. Lukampiri pe gitwerro bedo luwotti (luremi) ma imarro loyo. Kadi kitte ber nining, kace pe olarre, pe twerro bedo larem maber katto jo mularre.

Pe larre dok bene Lubanga pe cwako matwal, pien meno niribbe ma pe rom. Kit ma inenno dok ipimmo kwede dano, pe twerro porre ki i nenno ki pim pa Lubanga.

Nino mo acel, Lubanga ooro Camuel i ot pa Yece me wirro latin acel ikin awobe-ne me bedo kabaka (latela) me Icrael. (1 Camuel 16:1-13). Ma Camuel onenno latin kayo pa Yece, Eliab, Camuel owaci, "Ada, ngat ma Rwot biwirro ki moo tye i nyimma," pien nongo dit, bor ki nong kome leng twatwal. Ento lubanga olokko bot lanebi ci owacce ni, "pe iwirre, pien ni akwerre woko." Ka dong owacci, "Dano neno kome ki woko, ento Rwot neno cwinye" Manyutti kit ma inenno ci ipimmo kit pa ngat

mo, pol kare a inenno kome ki woko-gin ango ma tucco woko, kit kome nen kwede, yoo wotte; itwerro mokko lwak tam ikome malubbe ki jami magi ducu, ento inenno, Lubanga nenno kit cwiny pa dano.

Ngat ma pe olarre pe ki cwiny atir ki Lubanga. Yoo acel keken ma ngat mo twerro bedo atir ki Lubanga, enne aye larre (nywalle ma kiryo nyo jolo Yecu Kricito ikwo-ne). Man aye cawa-ne keken ma ngat meno porre me bedo larem maber wa iwang too. Nikwanyo ka olarre, pe twerro bedo laremmi maber loyo; pe porre ki itee kwaarro pa Lubanga. Man dong ilarre, mitti ni myero oyomcwiny Lubanga, pi meno myero pe itii ki kit yoo ma megi.Man pire tek twatwal.

Ket cwinyi ikom pa Lubanga kikome ci En bineni iyoo woti ducu.(1 Jo Korint 10:13).

GIN ANGO MA ITIMMO KACE...

AYELLA YELLA KI ATWOM OBINO?

IMarako 4:1-9, Yecu obolo carolok ikom lacoc kodi. Lacoo man, nong ocitto ka coyo kodi-ne ci mogo okir inget gudo, mukene okir ikom pata ka ma ngom tye iye manok, kodi mukene okir ikin okuto ci mukene i ngom maber. Ci ityeng 16 ki 17, Baibul wacci,

"Kit meno magi gin aye ma gicoyo i ngom ma obedo pata; gin ka guwinyo, oyotoyot gimako lok ki yomcwiny; ento pe gitye ki lwitgi i igi, giri pi kare manok; ka can obino, nyo libo dano ocakke, pi lok meno, cutcut gipoto woko (kiniga makkogi)"

Nong tye ka lok ikom jo magi ma lok pe ki lwit i igi, ci pi man gicirro ayella yella (aun nyo atwom) pi kare mo keken. Owaci, kadi bene jo magi gimakko lok ki yomcwiny, ka ce ayela-yela nyo atema-tema (aun nyo atwom) ocakke pi lok meno, cwercwiny makkogi. Man otimme bot yalwak mapol.

Gin ma Yecu tye ka wacco en aye ni, tye dano mapol magi pe ki mar matut pire. Cwinygi yom ikom Lok pa Lubanga pi kwong me kwo ma pe tum, yomcwiny ki lagam me leggagi, ento gipe ki mar matut ikom en Lubanga. Owekko kace ayela-yela (auno) ocakke, gipotto (nyo gitang) woko. Man pe ber kulu! Kace atemma temma onyo auno (atwom nyo ayela-yela) ocakke, gin ma myero itim en aye lub Lok pa Lubanga:

(1) MYERRO IBED KI MAR MATUT MATEK IKOM LUBANGA

Lubanga mitti ibed ki mar matut, matek i En. Mar twerro medde nyo jwik. Ka ce itammo twatwal ikome, winyo Lokke twatwal kacel ki notte kwede ilegga, ci dit pa mar-ni pire bene kabedo madwong, pien mar nyaa ki nyebbe (ngii nyo ngenne). Ka rwom ngecci onyo nyebbe ma megi kwede Lubanga tye lamal, rwom mar ma megi piri bene kabedo lamal; me imedde ki winyo Lokke twatwal, ibinongo woko ni rwom mar ma megi pi En tye ka medde amedda dok ibiniang ikome irwom maber kato ka dong ijolo En irwom madit kato. Ka ce itve ki mar matek man pi Lubanga, Lokke donyo lwitte matut icwinyi. Niwek ka irwate ki peko mo, ingeyo tam pa Lubanga ma dok ikom gin meno ci cutcut imoko tam pa Lubanga ikom gin meno.

Baibul tucco ni kwo ki too tye itee twero me leb ony idog (Carolok 18:20-21). ci bene ni malubbe ki ngoo ma opong (bir) icwiny en aye ma dog lokko woko (Matayo 12:34-35, 37). Ka idillo (pikko, pongo) cwinyi ki Lok pa Lubanga, kadi ni iwang peko ango, ibinenno jami kit ma Lubanga nennogi kwede ci ibilokko ka dogge. Ci bicobbe kit meno!

(2) PE IRWENY GENI WOKO!

Myero pe irweny geni ka peko ocakke! Bedo morokole (dano mularre) pe tyen lokke ni peko pe binno, bene pe tyen lokke ni atemmatemma pe bibedo tye. Tyen lok man enne ni iwang atwom weng, inyim peko ducu, Lubanga konyi katto igin. Ma kit ma tye i Jabuli 23:5 ni,

" Iketo meja me cam i nyima ma onongo lukwor mera bene gineno..."

Itwero bedo atir inyim lumone-ni ento gipe ki twerro me bwoyi ; ayela-yela bene pe twerro cokko kwoni! Lubanga pe mitti cwinyi otur, onyo irweny geni woko! Myero icung matek! Kadi jami tek nyo nwang rom mene, pe irweny geni woko! Lubanga bikonyi katto igin, cwinyi myero pe oballe nyo otur woko. Dong ma igenne bot Lubanga ci pe bilanyi nyo weki. Ibiloyo iwang tekare kwo ducu pien gin gudokko opiini. Icaya 43:2 wacci kadi bed ikwang ipii pe ibimwony ci kadi iwot imac pe ibiwang. Lub kor Yecu Kricito atir ki cwinyi ducu- kun itii bote ki cwinyi wengkun iket me lubbo En kadi peko mo ongole, ariya ony ayela-yela.

"Ento myero wapwoyu Lubanga ma miyowa loc pi Rwotwa Yecu Kricito. 58Pi meno, utmegina ma amaro, wucung matek ma pe wuyengnge, kun wumedde bene ki tic pa Rwot nino ducu, kun wuniang ni, i Rwotwa yellewani (ticwu) pe me nono" (I Jo Korint 15: 57-58).

"Pien dano acel acel ma Lubanga onywalo loyo lobo. Gin ma waloyo kwede lobo en aye niyeewa" (1 Jon 5:4).

Inenno, Lubanga miiniwa loc me a i Rwotwa Yecu Kricito, owekko pe watwerro bedo lucokko. Kwan 1 Jon 5:4 ki diro lokko; ikom loc maloyo lobo man, man eni aye niyeewa. Kwo ki niyee, itye laloyo, pe lacokko. Ginywalli ma laloyo; pien in anywalli pa Lubanga, itye latin (wod, kodi) pa Lubanga, inywalle ki Cwiny pa Lubanga!

CWINY MALENG KI IN

Yecu Kricito i kwo-ni) en ni nywalle ki Cwiny pa Lubanga" " (1 Jo Korint 12:13, Jon 3:5-8). Ka ce ilarre, Cwiny Maleng dokko dul oluu me kwo-ni, pi meno, myero iniang anga ma En obedo ci ikwer karama pi ticce ikom kwo-ni.

Myero iniang gin ango ma En bino ka miini, wek inong ka mitta kwo-ni ma pe tum, i Kricito ci bene ijol mic (1 Jo Korint 12:8-10) ki teko (Luka 24:49, Tic Pa Lukwena 1:4-8) ma tye boti


ma aa ki bote.

CWINY MALENG OBEDDO ANGA?

I dul mapatpat i Baibul, wanongo coc ikom

Cwiny Maleng.
☐ Itee Cik Macon, wanenno en ka
miyo teko ki twero me timmo tic me aurra.
(Lungolkop 14:6, 19).
☐ Itee Cik Manyen, wanenno en tye
kamaleng i dog nywal, dog tic ki kwo pa Yecu
(Luka 4:18).
☐ Cwiny Maleng bene nen i Tic Pa
Lukwena 2:14 ka tic ikwo pa lukwena pa Yecu.
☐ En Lubanga. Tye ki kit pa Lubanga
bene, En ngat ma adek ki i triniti onyo dul kom
acel ki i dul kom man me adek (Lubanga adek
i acel) (Jon 14:16-17, Jon 15:26).
☐ Acakki-ne pe. En obedo ikwo mapud
nong acakki pe. (Acakki 1:2).
☐ En tye lanyut me teko nyo twero pa

agonya. (2 Jo Korint 3:17).




GIN ANGO MA CWINY MALENG PE TYE OBEDO?

Pire tek twatwal ni ingee nyo niang ni Cwiny Maleng PE obedo dic, yamo, moo nyo akuri kadi bene ni iginacoya gitiyo kwede jami magi ma nyutto En. En pe 'leb mapatpat' kadi bed ni En miyo dano dumo i leb mapatpat. En pe 'teko', ento kelliwa teko pa Lubanga. En pe Cwiny ma dok dwokkowa ibuc (iopii) me lworo (Jo Roma 8:15), ento me kuc nyo me bedo agonya. (2 Jo Korint 3:17)

PINGO-NE WAMITTO CWINY MALENG?

☐ Cwiny Maleng miiniwa teko ma a ki malo, teko pa Lubanga. (Tic Pa Lukwena 1:8).

Tee Iwit lok man, 'teko' okobbe ki inyig lok,
'dunamis' i dog Grik, ma tee lokke ni, 'twero
madit ma kello alokka-lokka'. Ka ce Cwiny
Maleng obinno ka kwo i iwa, miiniwa twero
ma lokko jami ikwo-wa ki ikwo pa jo mukene
bene.
☐ Miiniwa tek-cwiny, ma titto jiri (Matayo
28:18-20, Marako16:15-18).
☐ Telowa ki bene cimmiwa yoo (Jon
16:13, Jo Roma 8: 14).
☐ Kweyo cwinywa (Jon 14:18, Tic Pa
Lukwena 9:31).
☐ Cikko ka bene pwonyowa (Jon 14:26,
1 Jo Korint 2:11-12).
☐ Wotto kacel kwedwa bene dokko dul
kwo-wa ma jwi (Jon 14:16).



TWERO ME BEDDO KI WAT KACEL KI CWINY MALENG

I Jon 14:17, Yecu owaci,

"En Cwiny me ada, ma lobo pe twero limo, pien lobo pe nene, dok pe ngeye. Wun wungeye, pien en bedo kwedwu, dok bibedo i iwu."

Beddo ki wat kacel ki Cwiny Maleng en niang ikom tye pa Lubanga, ki pwoye pi dog ticce ikwoni. Pi meno dong, myero ikwany kare maber-ber me bedo i inyime ki notte kwede ki iniang ikome calo larem. Itwero dongo wat man niwok ki ikwanyo cawa me legga, kwanno Lokke korre ki korre, kacel ki winyo cik ki tam ma Cwiny Maleng miyo.

Ka ce ilarre, gibatija in i Cwiny pa Lubanga. Batija tee lokke ni luti i gin mo liweng. Lanen; terro odilo ci ilutti igalaya madit me pii iyoo ma nong odilo meno oumme weng ki pii. Man aye gin ma timme kace ilarre (inywalle tyen me aryo)- ilutte woko liweng macalo odilo meno, i Cwiny Maleng.

Ento ingeyo ni, obedo gin acel pi odilo man me umme ki pii ci dok gin mapat ataa pi odilo meno ma pong kwede kacel ki umme ki pii. Pi odilo man ma pong ki pii iye, myero yoo mo obedo tye ma yee ni pii omol odony iye. Tyen lokke ni kom odilo man myero obedo nong yee ni pii omol odonyo iye. Iyoo acel, ka ce ilarre, myero ijol (igam) Cwiny Maleng ikwoni ci bene i pong kwede.

Dok bene pong ki Cwiny Maleng pe obedo gin ma timme lawangacel keken pi kwo-ni weng. Me ka man, omyero i pong ki Cwiny Maleng jwijwi. (Jo Epeco 5-8). Man makke ki bedo ki ngec pi tye-ne ki pwoye pi dog ticce ikwo-ni nino ducu. Itwerro pong nibic ki Cwiny Maleng kare ducu, niwok ki ipak, legga, kwano Lok kore ki kore kacelo ki lubbo tam ki lokke jwi. Man aye kit me iyabbo kwede kwo-ni pi tela me Cwiny pa Lubanga.

DUMMO ILEB MAPATPAT

Kit ma awacco con, Cwiny Maleng miyo lutino pa Lubanga gilokko ileb mapatpat. Lanen acel ma Yecu obiwaci bilubbo jo ma gibiyee en, ikingi tye lokko ki leb manyen. (Marako16:17).

Man twero me cwiny ma a ki malo ma Lakricitayo tiyo kwede me lok atir ki Lubanga nia ki icwinye, bene miine boti macalo mic ma a ki bot Cwiny Maleng. Dummo leb mapatpat kino kene bene gilwongo ni, 'legga icwiny.' Ka ce wadummo leb mapatpat, walokko atir ki Lubanga kikome (1 Jo Korint 14:14) dok man dongo ci gedo cwinywa (Juda 1:20). Cwinywa bene jing ci gamo kero manyen (Icaya 40:31).

Teki dong ijolo Cwiny Maleng, itwerro lokko ileb mapatpat icawa mo keken me iyerro. En pe lokko woko ki dogi, ento miini twero me lok. Itwerro citto anyim ki lok bot Lubanga ileb mapatpat icawa mo keken ce imitto.

Kace icakko lokko leb mapatpat kun imedde ki timmo-ne jwijwi, ibicakko dwengo lok mada i leb man. Man bedo calo latin matidi mapud cokcoki olokko nyig lokke mukwong. Ka omedde ki tutte ki lokko woko, iwang kare manok ka cakko dwengo lok mada ileb meno. Man gin acel kwede dummo leb mapatpat. Man leb manyen, ento kadi bene ni pe ni ipwony leb man, idokko ngat ma dwengo lok

mada ileb man ki medde ki dummo-ne jwi.

Bene, ma idummo leb mapatpat nino ki nino, ka konyo dongo cwinyi, ci telli i mot ki lanyut mukene me Cwiny weng pa Lubanga.

TIKA MYERRO ICIT IKANICA (OT LEGGA)

I Matayo 16:18, Yecu olokko ikom Kanicane, ma cung pi kom En ilobo, ci owaci obigeddo Kanica-ne, dok dogcel me kapiny pe bibwoyo.

"Kit ma kom tye acel, ci tye ki lwak lumemba, bene lumemba weng me kom acel man, kuna gipol, gin kom acel: meno bene kit ma Kricito tye. Pein ki Cwiny acellu, wan ducu gibatijawa ikom acel, kadi wabed Lujudaya kece Lurok, kadi

wabed opii nyo agonya; bene wan ducu giwekkowa me matto i Cwiny acellu. Pien kom pe memba acel, ento lwak." (1 Jo Korint 12:12-14)

Wan kom ci Kricito en wic. Lukricitayo (jo ma olarre, jolo Yecu Kricito ikwogi) weng gin dul kome (Kricito) ki me kom ngat acel-acel (1 Jo Korint 12:27). Ci bene macalo dul mapatpat me kom dano pe twerro tic kekenne ma nong okoone woko (labongo luwedde), memba mapatpat me kom Kricito bene pe twerro tic maber kekengi (nyo ikoc). Man tye kuman pien Lubanga omiyo mic (mot) mapatpat ki lwongo bot lumemba mapatpat me Kanica, wek Kanica weng onong ber-ne (odongo, ojing ki ogedde malo kacelo). (1 Jo Korint 12:18-24, Jo Epeco 4:11-12)

Citto ikanica lubbe ki miti Lubanga dok omyero watimmo, bene konyowa ka nywakko gum ki cukko cwiny ngat acel-acel kwede mic pa Lubanga mapatpat - tango, nicango, nebi, ki mic mukene mapol ataa. Itwerro nongo niang maber, matut mada ikom Lok pa Lubanga ma gipwonyo, iwinyo caden ki bene inenno tango (ginaurra). Legga ki worro Lubanga kacelo, ommo niwirre pa Cwiny Maleng "mupokke woko", ma binno keken ikom dano weng ka gucokke kacel i tye-ne, niwirre man timo tic mapatpat ikom dano acel acel ma gugurre kacelo kit ma nong gimito ikwo-gi (Jo Ibru10:25, Tic Pa Lukwena 1:14, Jabuli 133:1-2).

Wot i Lok pa Lubanga ikero-ni keni obedo twon tic (rom ki itto wii got madit) ka i pe icitto i kacokke me Kanica mupong ki Cwiny; ento nywako i jami weng ma Kanica man timo konyi ki niang matut lok ikom Kanica man kacel ki lumemba-ne.

Bene itwerro dongo cwinyi (dano ma i iyini) nio wanga ocwiny nyo oteggi. Man woti i Lok pa Lubanga dokko yot kuna nong ikayo adwogi mabeco. Macalo Lakricitayo myero ibed kwede Kanica, Kanica ma itwerro lwongo ni PACO ci bene myero iribbe kwedgi i nywakko ijami ducu ma gitimmo. Ka pe, ibinongo ni pol gum pa Lubanga tiko koyo in akoya dok pe ibibedo ka wot iyoo ma rwatte ki Lok.

Kit ma dong inywalle tyen me aryo, wot i ngec pi anga ma ibedo bene pe ibwot ki i kacokke pa Lukricitayo (Jo Ibru 10:25). Cit i Kanica!

DONGO MALLO

Baibul cukko cwinywa ni, "Ket tek kit macalo itwero pi mine keni me kwano Lok wek ginyut in bot lubanga macalo ngat ma gipwoyo, latic ma pe ki gin mo ma lewic myero omake iye, ma tero lok me ada i yo atir." (2 Temceo 2:15). Acukko cwinyi ni inong bukwa mapatpat pi dongo-ni icwiny. Gitye ki pwony ki niyabbo magi yubbo me nyutti kit me nyak nyiggi ki kello adwogi idul ducu me kwoni, bene gibikelo niyee icwinyi me bedo gin meno tap.

Nongi. Kwangi.Ket Lok itic ci nen alokkalokka me deyo ikwo-ni!

To contact the author write: Pastor Chris Oyakhilome:

United Kingdom:

Unit C2, Thamesview Business Centre Barlow Way, Rainham, RM13 8BT Tel.: +44 (0)1708 556 604

South Africa:

303 Pretoria Avenue Cnr. Harley and Bram Fischer, Randburg, Gauteng, South Africa. Tel:+27-11-326 0971, +27-11-326 0972

Nigeria:

Christ Embassy Plot 97, Durumi District, Abuja, Nigeria.

Nigeria:

Plot 22/23 Billings Way, Oregun, Ikeja, Lagos. Tel: +234-808 586 5700,

+234-817 198 7339 +234-802 478 9892-3

Please include your testimony or help received from this book when you write. Your prayer requests are also welcome.